

傷寒雜病論

傷寒雜病論卷第四

漢長沙太守南陽張機仲景述

溫病脈證并治第四

按溫病證治
通行本全佚

溫病有三。曰春溫。曰秋溫。曰冬溫。此皆發

於伏氣。夏則病暑而不病溫。

冬傷於寒。其氣伏於少陰。至春發為溫病。

名曰春温。

夏傷於濕。其氣伏於太陰。至秋燥乃大行。
發為温病。名曰秋温。

氣不當至而至。初冬乃大寒。燥以內收。其
氣伏於厥陰。冬至後天應寒而反温。發為
温病。名曰冬温。

春秋病溫者此其常。冬溫者此為變也。冬
時應寒而反大溫。此非其時而蓄其氣。及
時不病。至春乃發。名曰大溫。此由冬不藏
精。氣失其正。春時陽氣外發。二氣相搏。為
病則重。醫又不曉病源。為治乃誤。屍氣流
傳。遂以成疫。

病春溫。其氣在上。頭痛咽乾。發熱目眩。甚則讖語。脈弦而急。宜小柴胡加黃連丹皮主之。

小柴胡加黃連丹皮湯方

柴胡半斤 黃芩三兩 括蔞根四兩

人參三兩 黃連三兩 丹皮四兩

甘草

炙三兩

生薑

切三兩

大棗

枚十二擘

右九味。以水一斗二升。煮取六升。去滓。

溫服一升。日三服。

病秋溫。其氣在中。發熱口渴。腹中熱痛。下

利便膿血。脈大而短澇。宜乾地黄知母黃

連阿膠湯主之。不便膿血者。宜白虎湯主

之。

乾地黄 知母 黄連 阿膏 湯方

乾地黄 八兩
知母 四兩
黄連 三兩

阿膏 二兩

右四味。以水一斗。先煮乾地黄知母黄連三味。煎取四升。去滓。納膠融消。温服。

一升。日三服。

白虎湯方

知母 六兩

石膏

碎一斤

甘草

二兩

粳米 六合

右四味。以水一斗。煮米熟。湯成去滓。温

服一升。日三服。

病冬溫。其氣在下。發熱腹痛引少腹。夜半
咽中乾痛。脈沉實。時而大數。宜石膏黃連
黃芩湯主之。不大便六七日。宜大黃黃芩
丹皮乾地黃湯主之。

石膏黃連黃芩湯方

石膏

半斤 碎

黃連

三兩

黃芩

四兩

右三味。以水一斗。煮取六升。温服二升。
日三服。

大黄黄芩丹皮乾地黄湯方

大黄 四兩 黄芩 三兩 丹皮 三兩

乾地黄 四兩

右四味。以水一斗二升。煮取五升。温服

二升。大便利。止後服。

病溫。頭痛面赤發熱。手足拘急。脈浮弦而
數。名曰風溫。防風黃芩梔子丹皮芍藥湯
主之。

防風黃芩梔子丹皮芍藥湯方

防風

三兩

黃芩

三兩

梔子

十四枚

丹皮

三兩

芍藥

三兩

右五味。以水六升。煎取三升。去滓。溫服

一升。日三服。

病溫。素有濕。發熱。唇焦。下利。熱。腹中痛。脈

大而濇。名曰濕溫。豬苓湯加黃連。丹皮主

之。

豬苓湯加黃連丹皮方

豬苓

去皮

茯苓

澤瀉

阿膠

滑石

碎各兩

黃連

一兩

丹皮

二兩

右七味。以水四升。先煮六味。取二升。去滓。內阿膠烱消。溫服一升。日再服。

病温。舌赤咽乾。心中煩熱。脈急數。上寸口者。温邪干心也。黃連黃芩阿膠湯主之。

黃連黃芩阿膠湯方

黃連 一兩 黃芩 一兩 阿膠 一兩

右三味。以水一斗。先煮二味。取四升。去滓。內阿膠烱消。温服一升。日三服。

病温。口渴咳嗽。衄不可制。脉浮短而数者。
温邪乘肺也。黄芩石膏杏子汤主之。

黄芩石膏杏子汤方

黄芩

三兩

石膏

半斤

杏子

十四枚
去皮尖

右三味。以水五升。煮取三升。去滓。温服

一升。

病温。發熱從腰以下甚者。少腹熱痛。小便赤數。脈急數。下尺中者。温邪移腎也。乾地黃黃柏秦皮茯苓澤瀉湯主之。

乾地黃黃柏秦皮茯苓澤瀉湯方

乾地黃

六兩

黃柏

三兩

秦皮

二兩

茯苓

三兩

澤瀉

一兩

右五味。以水八升。煮取三升。去滓。溫服
一升。日三服。

病大溫。發熱。頭暈目眩。齒枯唇焦。讖語不
省人事。面乍青乍赤。脈急大而數。大黃黃
連地黃丹皮香蒲湯主之。若喉痺不能下
藥。針少商令出血。若脈乍疏乍數。目內陷